



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Lkn

192

(2) 1999



dtm
192

42

ԽՆԱՄԱՏԱՐ ԸՆԿԵՐՈՒԹԵԱՆ

۱۵۵۵

Ի ՏՊԱՐԱՆԻ ՍՐԲՈՑ ԿԱԹ. Է.ԶՄԻԱԾՆԻ

29 198

1891—0310

28227-62

192-607

ՀԲԱՐՈՒՄ

ՏԵՍԻՆ ՏԵՍԻՆ ՄԱՊԱՐԱՅ

ՎԵՂԱՓԱՌ ԵՒ ՍՐԲԱՋՆԱԳԵՅՆ

ԿԱԹՈՒՂՈՍԻ ԱՄԵՆԱՅՆ ՀԱՅՈՑ:

ԿԱՆՈՆԱԴՐՈՒԹԻՒՆ

ԱՍՏՐԱԽԱՆԻ ՀԱՅՈՒՂԵԱՅ ԽՆԱՄԱՏԱՐ ԸՆԿԵՐՈՒԹԵԱՆ.

ԸՆԿԵՐՈՒԹԵԱՆ ՆՊԱՏԱԿԸ.

1. Ընկերութեան նպատակն է օգնել իգական սեռի կրթութեան գործին Աստրախա նում:

2. Նպատակին հասնելու համար իր կարողութեան չափով՝

« Նպաստում է դրամով քաղաքիս օրիորդաց Հոգևոր դպրոցին.

բ, Նիւթապէս օգնում է նոյն դպրոցի չքաւոր աշակերտուհիներին.

գ, Հոգում է կար ու ձևի և ձեռագործի կատարելագործութեան մասին օրիորդաց դըպրոցում.

դ, Օգնում է այն անձերին, որոնք կ կամենան պատրաստուիլ հայոց օրիորդական Հոգևոր դպրոցում ուսուցչի պաշտօն կատարել և

է, Բացում է առանձին դասատուն տնտե-

սականութիւն սովորեցնելու նպատակով զըպ-
րոցին կից կամ առանձին:

ԸՆԿԵՐՈՒԹԵԱՆ ԿԱԶՄԱԿԵՐՊՈՒԹԻՒՆԸ
ԵՒ ՄԻՋՈՑՆԵՐԸ.

3. Ընկերութիւնը կազմում են Հիմնադիր,
մշտնջենաւոր, պատուաւոր և տարեկան ան-
դամները, որոնց թիւը սահմանափակուած չէ:

4. Ընկերութեան միջոցները սրանք են.

ա) Հիմնադիր և մշտնջենաւոր անդամների
միանուագ նուէրները և տարեկան անդամների
վճարները.

բ) Միանուագ նուէրներ զրամով, իրեղէննե-
րով և ամենատեսակ ստացուածով.

գ) Գումարներ, որ գոյանում են ընկերու-
թեան օգտին տրուած ներկայացումներից, պա-
րահանդէսներից, հրապարակական դասախո-
սութիւններից և այլ օրէնքով թոյլ տուած հան-
դէսներից:

5. Ընկերութեան գումարները պահպան-
ւում են արքունի կամ Աստրախանի քաղա-
քական հասարակական գրամանոցում ընկե-
րութեան անունով: Այս գումարները կարող
են յետ ստացուիլ միայն ընկերութեան կար-

դադրութեամբ և այն՝ ըստ նախնիների թաղային
դուլթեան վիճակաւոր Առաջնորդի կողմն-
թացիկ ծախսերի համար խորհրդի որոշած գու-
մարը ժնում է գանձապահի մօտ:

ԸՆԿԵՐՈՒԹԵԱՆ ԱՆԳԱՄՆԵՐԸ, ՆՐԱՆՑ
ԻՐԱՒՈՒՆՔԸ ԵՒ ՊԱՐՏԱՒՈՐՈՒԹԻՒՆՆԵՐԸ.

6. Հիմնադիր անդամները թէ իգական և
թէ արական սեռի նրանք են՝ որոնք ընծայում
են ընկերութեան կազմակերպութեան համար
մի նշանաւոր գումար, միանուագ, ոչ պակաս
քան հինգ հարիւր ռուբլի:

7. Մշտնջենաւոր անդամները որոնք կնուի-
րեն ընկերութեանը միանուագ, ոչ պակաս
քան մի հարիւր ռուբլի:

8. Պատուաւոր անդամները կոչուում են
նրանք, որոնք իրանց հասարակական դրու-
թեամբ ընկերութեանը մի նշանաւոր օգուտ
տուած կլինին:

9. Տարեկան անդամները վճարում են
հինգ ռուբլի:

10. Հիմնադիր և մշտնջենաւոր անդամնե-
րի տուրքերը, նոյնպէս և բոլոր մնացեալ մուտ-
քի տասն տոկոսը պահպանուում են ընկերու-

Թեան անուամբ արքունի կամ Աստրախանի քաղաքական հասարակական դրամանոցում անձեռնմխելի, մինչև ընկերութեան առանձին կարգադրութիւնը՝ թոյլտուութեամբ վիճակաւոր Առաջնորդի:

ԸՆԿԵՐՈՒԹԵԱՆ ԽՈՐՀՈՒՐԴԸ.

11. Ընկերութեան գործերը կառավարում է ընդհանուր ժողովից՝ երեք տարի ժամանակով ընտրուած, եօթն անձերից բաղկացած խորհուրդը: Խորհուրդը իր անդամների միջից ընտրում է նախագահ, փոխ-նախագահ, գանձապահ և գործավար: Խորհրդի անդամները ունին չորս անձնափոխանորդներ:

12. Խորհրդի անդամներին և նրանց անձնափոխանորդներին հաստատում է վիճակաւոր Առաջնորդը:

13. Խորհրդի անդամները և նրանց անձնափոխանորդները ընտրուում են բացառապէս կանանց միջից:

14. Խորհրդի անդամոյ բացակայութեան ժամանակ, նրա տեղը հրաւիրուում է առաւել քուէ ստացող փոխանորդը:

15. Խորհուրդը հրաւիրում է նախագահի հարկաւոր ժամանակին՝ առանձին կոչնագրով. բացի սրանից ամեն ամիս լինում է խորհրդի ժողով: Խորհրդի վճիռները գրուում են առանձին մատենի մէջ. այս վճիռները ստորագրում են ժողովին ներկայ անդամները:

16. Խորհրդի հարցերը վճռուում են ձայների առաւելութեամբ. ձայների հաւասար դէպքում, նախագահի կամ նրա փոխանորդի ձայնը առաւելութիւն է տալիս: Խորհրդի ժողովը կայանում է, եթէ ներկայ են՝ նախագահը, կամ նրա փոխանորդը և երեք անդամներ:

17. Խորհուրդը պարտաւոր է.

ա, Աշխատել ընկերութեան անդամների թիւը աւելացնել և աճեցնել դրամական միջոցները:

բ, Հսկել ընկերութեան հաշուով պահպանւող տնտեսականութեան դասարանի բարելաւութեանը և կանոնաւոր ընթացքին.

գ, Օգնել նիւթականապէս տեղւոյս օրիորդական դպրոցի չքաւոր աշակերտուհիներին.

դ, Նուիրել ջանք ու ժամանակ նոյն դպրոցում աւանդելի ձեռագործութեան և կար

ու ձեի կանոնաւոր ընթացքին, աշխատելով
յաճախել այն առարկաների դասերին. *)

է, Իւրաքանչիւր ամիս ստուգել ընկերութեան
պատկանեալ գումարները և

դ, Իւրաքանչիւր տարուայ վերջում պատ-
րաստել և առաջարկել ընդհանուր ժողովի
հաստատութեանը ընկերութեան տարեկան
հաշիւը և ապագայ տարուայ նախահաշիւը:

18. Խորհուրդը ունի իրաւունք.

ա, Ընդունել և հաստատել տարեկան ան-
դամներին.

բ, Կազմել ներկայացումներ, պարահանդէս-
ներ, գրականական երեկոներ, նուագահանդէս-
ներ և այլն, խնդրելով հարկաւոր դէպքում,
իշխանութեան օրինական թոյլտուութիւնը:

19. Խորհրդի նախագահը կամ նրա փո-
խանորդը պարտաւոր է.

Մանչեսթըր. Գ. Կէտում յիշած առարկաների
դասատուութեան մէջ թերութիւններ նկատած ժա-
մանակը, խորհրդի անդամները՝ խորհրդի միջոցով
պէտք է յայտնեն այս մասին հոգեւոր օրիորդական
դպրոցի վարչութեանը, չմիջամտելով դպրոցի վար-
չութեան գործերի մէջ:

ա, Հսկել, որ ճշտութեամբ կատարուին այս
կանոնադրութեան յօդուածները, ընդհանուր
ժողովի և խորհրդի բոլոր վճիռները.

բ, Կատարել ընկերութեան գրաւոր և բա-
նաւոր հաղորդակցութիւնները:

20. Գանձապահը պահում է ընկերութեան
դրամական և այլ նուէրների հաշիւները, որոնց
համար ստանում է երկու ժապաւինեալ մա-
տեան վիճակաւոր Առաջնորդից: Նա ընդու-
նում է դրամական տուրքերը և նուէրները,
արձանագրում է պատշաճեալ մատեանների
մէջ, տալիս է անդորրագրեր նախագահի և
իւր ստորագրութեամբ, և անում է ընթացիկ
ծախսերը խորհրդի որոշմամբ: *)

21. Գործավարը արձանագրում է ընդհա-
նուր ժողովի և խորհրդի վճիռները առանձին
մատեանի մէջ և կատարում է բոլոր գրա-
գրութիւնները: Նրա ձեռքն է դիւանն, գործերը
և ընկերութեան կնիքը: Նա կարող է ունենալ
խորհրդի որոշմամբ, վարձաւոր գրագիր:

Մանչեսթըր. Գ. Կէտում յիշած առարկաները խորհրդի նիս-
տերի օրերը պէտք է բաց լինի ընկերութեան բո-
լոր անդամների համար:

ԸՆԴՀԱՆՈՒՐ ԺՈՂՈՎ.

22. Ընդհանուր ժողով լինում է տարեկան և անակնկալ, ուր ունին ձայն հաւասարապէս հիմնադիր, մշտնջենաւոր, պատուաւոր և տարեկան անդամները:

23. Տարեկան ժողովները լինում են Փետրվարի և Նոյեմբերի սկզբներում:

«, Բնակչու գրամական, այլ նուէրների և գործոնէութեան հաշիւները և նախահաշիւ հաստատելու.

բ, Խորհրդի անդամներ և անձնափոխանորդներ ընտրելու.

գ, Խորհրդի կամ անդամների առաջարկութիւնները լսելու և եզրակացութիւն տալու:*)

24. Անակնկալ ժողովներ հրաւիրուում են Խորհրդի որոշման համաձայն, կամ հարկը պահանջած ժամանակ, վճռելու այնպիսի հարցեր, որոնք նախատեսած չեն կանոնադրութեանս

Ծանոթութիւն. Ընտրութիւնների և հաշիւներ առաջարկելու ժողովը լինում է Փետրվարի սկզբում. իսկ նախահաշիւը Նոյեմբերին:

մէջ և հետեւաբար Խորհրդի իրաւունքից դուրս են:

25. Ընդհանուր ժողով հրաւիրողը Խորհրդի նախագահն է: Ժողովից մի քանի օր առաջ նախագահը ուղարկում է հրաւեր բոլոր անդամներին, որոնք գտնուում են Աստրախանում: Հրաւիրագրում նշանակուում են ընդհանուր ժողովին առաջարկելի հարցերը:

26. Ընդհանուր ժողովը կայանում է, եթէ ներկայ է ժողովին հրաւիրուած անդամների չորրորդ մասը. չկայացած ժողովից տասն օր յետոյ, հրաւիրուում է երկրորդ անգամ, որոյ համար այլ ևս չէ պահանջուում որոշեալ թիւ անդամների և այդ երկրորդ ժողովը վճռում է առաջին ժողովին ղրուած հարցերը:

27. Ընդհանուր ժողովում ձայն ունին Խորհրդի և ընկերութեան բոլոր կատարելահասակ անդամները: Ընդհանուր ժողովը ունի իր ընտրեալ նախագահը մի տարի ժամանակով:

28. Ընկերութեան տարեկան հաշիւները կհրատարակուին ազգային լրագրներում և կամ առանձին տետրակներով: Հաշուի մի մի ձեռագիր օրինակը կներկայացուի (Արբազան Առաջնորդի միջոցաւ) Ամենայն Հայոց Ծայրագոյն

Պատրիարք Կաթողիկոսին և Վիճակաւոր Առաջնորդին և բացակայութեան դէպքում, Սինօդին Սրբոյ Էջմիածնի և Կոնստանտնուպոլսոյ Հայոց Աստրախանի:

ԸՆԿԵՐՈՒԹԵԱՆ ԻՐԱՒՈՒՆՔԸ.

29. Ընկերութիւնը ունի իրաւունք գնել և վաճառել շարժական և անշարժ կայքեր, կապել պայմանագրութիւններ, պահպանել իր շահերը խորհրդի կամ առանձին Հաւատարմատարի ձեռամբ և բանալ ու փակել տնտեսագիտական դասարաններ:

30. Ընկերութիւնը ունի իր կնիքը, փորագրած Փրկչական Ս. Խաչը և շուրջը « ԱՍՏՐԱԽԱՆԻ ՀԱՅՈՒՆՆԵԱՅ ԽՆԱՄԱՏԱՐ ԸՆԿԵՐՈՒԹԻՒՆ » և ընկերութեան հիմնարկութեան տարին:

31. Եթէ որ և է պատճառով դադարի ընկերութեան գոյութիւնը, այն ժամանակ նրա բոլոր գումարները և այլ սեփականութիւնը ժառանգում է տեղւոյս ազգային Օրիորդական Հոգեւոր դպրոցը կամ Աստրախանի Հայոց եկեղեցիները:

32. Աստրախանի Հայուհեաց Խնամատար

Ընկերութիւնը Հաստատում է Ազգիս Վեհափառ Հայրապետը և Նրա բարեհաճութեամբ՝ Վիճակաւոր Առաջնորդի առաջարկութեան Համաձայն, կարող են լինել, հարկաւոր ժամանակ, փոփոխութիւններ ներկայ կանոնադրութեան յօդուածների մէջ:

Կազմեցի՝ Վիճակաւոր Առաջնորդ Թեմին Հայոց Աստրախանի և Կովկասու՝

Գէորգ Եպիսկոպոս Սուրենեանց:

Ի 11 Դեկտեմբերի 1890 թ.

յԱստրախան:

Հաւան գտեալ մեր ընդ այս Կանոնադրութիւն, Հաստատեմք ստորագրութեամբ մերով և դրոշմամբ Հայրապետական Կնքոյս:

ՄԱԿԱՐ ԿԱԹՈՒՂԻԿՈՍ ԱՄԵՆԱՅՆ ՀԱՅՈՅ:

Համար 1.

Ի 1 Յունվարի 1891 թի Փրկչական և ի մերումս թուականին ՌՅԼ.

Ի Ս. Էջմիածին.

S. Կ.

3/22 54



<< Ազգային գրադարան



NL0108455

